


白蓮集卷第七

題東林十八賢真堂

廬岳僧齊已



白藕花前舊影堂
劉雷風骨畫龍章
共輕天子諸侯貴
同愛吾師一法長
陶令醉多招不得
謝公心亂入無方
何人到此思高躅
嵐點苔痕滿粉牆

謝靈運欲入社遠大師以其心亂不納

題南岳般若寺

諸峯翠少中峯翠
五寺名高此寺名
石路險巖盤
巖滑僧窓高
倚泐察明凌
空殿閣由天設
遍地杉松是
自生更有上方
維上處紫苔紅
蘚遶崢嶸

寄廬岳僧

一聞飛錫別區中，深入西南瀑布峰。
雪際雪埋千片石，洞門冰折幾株松。
烟霞明媚媚，心地苔蘚紫纒出。
世蹤莫問江邊舊，居寺火燒兵劫斷秋鐘。

遊谷山寺

城裏尋常見，暮稜水邊朝。暮送歸僧數，峰雲脚垂平地一徑松。
穀徹上層寒，澗不生浮世物。陰崖猶積去年冰，此身有底難拋。
事時復携筇，信步登

楚寺寒夜作

寒爐局促坐成勞，黯淡燈光照二毛。
水寺閉來僧寂々，雪風吹去雁嗷々。
江山積疊歸程遠，魂夢穿沁過處高。
畢竟忘言是吾道，袈裟不稱揖蕭曹。

送太禪師歸南岳

石龕閑鑱白猿邊，歸去程途半在船。
林簇曉霜離水寺，路穿新燒入山泉。
已尋嵐岬臨空盡，却看星辰向地懸。
有興寄題紅葉上，不妨收拾別為編。

山中寄寂密大師兄弟

一卸薪盡室空然，万象何妨在眼前。
時有興來還覓句，已無心去即安禪。
山門影落秋風樹，水國光凝夕照天。
借問荀家兄弟內，八龍頭角讓誰先。

海棠花

繇於桃李盛於梅，寒食旬前社後開。
半月暄和留艷態，兩時風雨免傷摧。
人憐格異詩重賦，竦忌香多夜更來。
猶得殘紅向春

暮牡丹相繼發池臺

題贈湘西龍安寺利禪師

頭白已無行脚念
自開荒寺住烟蘿
門前路到瀟湘盡
石上雲歸岳巖多
南祖衣盂曾禮謁
東林泉月舊經過
閑來松外看城郭
一片紅塵隔逝波

寄文浩百法

百法欲擁毳恭禪

當時六祖在黃梅
五百人中眼獨開
入室偈聞傳絕唱
升堂客謗恃多才
鉄牛無用成真角
石女能生是聖胎
百法欲拋經論去
莫教惆悵却空迴

謝人寄新詩集

所聞新事即戈矛
欲去終疑是暗投
遠客寄言還有在
此門將

謂惣無休千篇著述誠難得一字知音不易求
時入思量向何處月圓孤凭水邊樓

謝無額上人遠寄檀溪集

白首蕭條居漢浦
清吟編集號檀溪
有人收拾應如玉
無主知音只似泥
入理半同黃葉句
遣懷多擬暮雲題
猶能為我相思在
千里封來夢澤西

寄道林寺諸友

吟興終依異境長
舊游時入靜思量
江教裡過東西寺
樹影中行上下方
春色濕僧巾履膩
松花沾鶴骨毛香
老來何計重歸去
千里重湖浪渺茫

贈智滿三藏

白蓮集卷第七

灌頂清涼一滴通大毗盧藏遍虛空欲飛簷蔔花無盡須待陀
羅尼有功金杵力摧魔界黑光晶光透夜燈紅可堪東獻明天
子命服新酬贊國風

謝王先輩湘中迴惠示卷軸

少小即懷夙雅情獨能遺象琢淳精不教霜雪侵玄髮便向雲
霄換好名携去湘江聞鼓瑟袖來緱嶺伴吹笙多君百首貽衰
頽留把吟行訪竺卿

荆渚寄懷西蜀無染大師兄

大瀉心付白崖前寶月分輝照蜀天聖主降情延北內諸侯稽
首問南禪清秋不動驪龍海紅日無私同象川欲聽吾宗舊山
說地邊身老楚江邊

謝武陵徐巡官遠寄五七字詩集

五字才將七字爭為君聊敢試懸衡鼎湖菡萏搖金影蓬島鴛
凰舞翠靸還是靈龜巢得穩要須仙子駕方行兩編玲瓏重遙相
惠何夕燈前盡此情

重宿舊房與愚上人靜話

曾此栖心過十冬今來蕭洒屬生公檀栾舊植青添翠菡萏新
栽白換紅北面城臨燈影合西隣僻近講教通不知門下趨延
士何似當時石解空

謝南平王賜山雞

五色文章類彩鸞楚人羅得半摧殘金籠莫恨傷冠帽玉粒須
慙翦羽翰孤立影危丹檻裏准栖伴在白雲端上台爰育通幽
白蓮集卷第七

細却放溪山去不難

荆門病中雨後書懷寄幕中知己

病根翻作憶山勞一雨聊堪浣鬱陶
心白未能忘水月眼青猶得見秋毫
蟬聲晚簇枝、急雲影晴分片、高還憶
赤松兄弟否別來應見鶴衣毛

宿江寺

島僧留宿慰衰顏
舊住何妨老未還
身共錫聲離鳥外
跡同雲影過人間
曾無夢入朝天路
憶有詩題隔海山
珍重來風渡江去
九華青裡扣松關

謝貫微上人寄示古風今體四軸

四軸騷詞書八行
捧吟肌骨遍清涼
湯求龍樹能醫眼
休問圈

澄學洗腸今體盡
搜初剖判古風淳
鑿未云黃不知誰
肯降文陣閣點旌旗
敵子房

荊州貫休大師舊房

踈篁抽笋柳垂陰
舊是休公種境吟
入貢文儒來請益
出官卿相駐過尋
右軍書畫神傳髓
康樂文章夢授心
銷得青城千嶂下
白蓮標塔帝恩深

寄谷山長老

遊遍名山祖遍尋
却來塵世渾光陰
肯將的的吾師意
擬付茫茫弟子心
豈有虛空遮道眼
不妨文字問知音
滄浪萬頃三更月
天上何如水底深

寄黃暉處士

白蓮集卷第七

蒙氏藝傳黃氏子獨聞相繼得名高鋒銳妙奪金雞距織利精
分玉兔毫濡染只應因親賦咏風流不稱近弓刀何妨寄我臨池
興忍使江淹後夢勞

荆門勉懷寄道林寺諸友

榮枯得喪理昭然誰數離騷更問天生下便知真夢幻老來何
必嘆流年清風不受詩應在明月無踪道可傳珍重匡庐沃洲
主拂衣拋却好泉林

荅崔校書

雪色衫衣絕點塵明知富貴是浮雲不隨喧滑迷真見何用潺
湲洗污聞北闕會拋紅駿駭東林社憶白氛盃清吟有興煩相
示欲荅多慚蠹蝕文

乞櫻桃

去年曾賦此花詩幾聽南園爛熟時嚼破紅香堪換骨摘殘丹
顆欲燒枝流鶯偷啄心應醉行客潛窺眼亦癡聞說張筵就珠
樹任泛攀折半離披

寄南雅上人

曾得音書慰暮年相思多故信難傳清吟何處題紅葉舊社空
懷墮白蓮山水本同真趣向侯門剛有薄因緣他時不得君招
隱會逐南歸楚客船

寄歐陽侍郎時在嘉州饋遺

又聞絲揔在嘉州職重身閑倚寄寺樓大象影和山面落兩江毅
合郡前沈棊輕國手知誰敵詩是天才肯易酬畢竟男兒自高
白蓮集卷第七

達從來心不是悠々

与崔校書靜話言懷

同年生在咸通裡事佛為儒趣盡高我性已甘披祖衲君心猶待脫藍袍霜鬢曉幾臨銅鏡雪髭寒踈落剃刀出世朝天俱未得不妨還往有夙騷

謝人惠拄杖

邛州靈境產候筥九節材應表九陽造化已能分尺度保持爭合与尋常幽林剪破清秋影高手携來綠玉光深謝魯儒憐潦倒欲教撐拄透禪床

謝秦府推官寄丹臺集

秦王手筆序丹臺不錯褒揚最上才鳳翔幾傳為匠石龍門曾

用振風雷錢郎未竭精華去元白終存作者未兩軸蚌胎驪頰耀枉臨禪室伴寒灰

題畫鷺鷥無簡孫郎中

曾向滄江看不真却因圖寫見精神何妨金粉資高格不用丹青點此身蒲葉岸長堪映帶荻花叢晚好相親思量畫得勝籠得野性由來不忌人

賀行軍太傅得白氏東林集

樂天歌詠有遺編留在東林伴白蓮百氏典墳隨喪亂一家風雅獨完全常聞荆渚通侯論果遂吳都使者傳仰賀斯文歸朗鑒永資穀政入薰絃

韶陽微公

白蓮集卷第七

曲江晴影石千株
吾子思歸夢斷初
有信北來山疊疊
無言南去雨疎疎
祖師門接園林路
丞相家同井邑居
閑野老身留得
否相招多是秀才書

將之匡岳過尋陽

帆過尋陽晚霽開
西風北雁似相催
大孤浪裏青堆沒
五老雲中翠疊來
此路便堪歸水石
何門更合向塵埃
遠公林下蓮池畔
箇箇高人盡有才

寄湘幕王重書記

拋擲^湘江舊釣磯
日茶壽畫廢吟詩
可能有事關心後
得似無人識面時
官好近聞加茜服
業靈曾說換霜鬚
高才直氣平生志
除却徒知即不知

宿沈彬進士書院

相期只為話篇章
踏雪曾來宿此房
喧滑盡消城漏滴
窓扉初掩岳茶香
舊山春暖生薇蕨
大匡塵昏悞殺傷
應有太平時節在
寒宵未臥共思量

靜院

花片相重點
破苔誰心肯
此話心灰好
風時傷踈篁
越幽鳥晚
泛何處來
筆硯興狂
狂師沈謝香
燈魂斷憶宗
雷浮生已
問空王
了箭急光陰
一任催

送白雲士游峨眉

閑身誰道是羈遊
西指峨眉暮頂頭
琴鶴幾程隨客棹
風雷何處宿龍湫
尋僧石磴臨天井
劖葉秋崖倒瀑流
莫為寰瀛多事
白蓮集卷第七

在客星相逐不迴休

寄顧蟾家士好於山水

久聞為客過蒼梧休說携家歸鏡湖山水顛狂應盡在髮毛凋
落免貧無和僧擔入雲中削帶鶴驅成澗底孤春醉醒來有餘
興因人乞與武陵園

懷金陵知舊

海門相別住金_荆門六度秋光兩髮根万象到心維蓋口一生無
事可傷魂石頭城外青山疊北固窻前白浪翻盡是共游題版
處有誰惆悵拂苔痕

喜得自牧上人書

吳都使者泛驚濤靈一傳書慰毳袍別興偶隨雲水遠知音本

自因風高身依閒淡中消日髮向清涼處落刀闕著括囊新集
了擬教誰與序離騷

驚秋

曉窻驚覺兩秋風万里心凝澹蕩中池影碎翻紅菡萏并殺乾
落絲梧桐破除閑事渾歸道銷耗勞生旋逐空妖殺九原狐兔
意豈知丘隴是英雄

聞沈林赴吳都請辟

長訝高眠得穩無果隨微辟起江湖鴛鴦已列罇壘貴鷗鶴休
懷釣渚孤白首不妨扶漢祚清才何讓賦吳都可能更憶相尋
夜雪滿諸峰火一罈

寄江夏仁公

白蓮集卷第七

寺閣高連黃鶴樓檐前檻底大江流幾因秋霽澄空外獨為詩
情到上頭白日有餘閒送客紫衣何啻貴封侯別來多少新吟
也不寄南宗老比丘

中春林下偶作

淨境無人可共携閑眠未起日光低浮生莫把還丹續萬事須
將至理齊花在月明胡蝶夢雨餘山綠杜鵑啼何能向外求攀
折岩桂枝條拂石梯

送劉秀才歸桑水寧觀

歸和初喜戢戈矛乍捧鄉書感去留雁序分飛離漢口鶴原騫
翥在鰲頭家隣紫塞仍千里路過黃河更幾州應到高堂問安
後却携文入帝京遊

寄曹松

舊製新題削復刊工夫過甚琢瑯玕葉中求見黃芽易詩裡思
閃白雪難扣寐頻同心在定鑿空何止髮衝冠夜來月苦懷高
論數樹霜邊獨倚欄

酬蜀國歐陽學士

因緣劉表駐經行又聽西風墮葉聲鶴髮不堪言此世我眉空
約在他生已送禪祖泰真性敢向詩家認好名深愧故人憐潦
倒每傳仙語下南荆

寄荆幕孫郎中

珠履風流憶富春三千鷗鷺讓精神詩工鑿破清求妙道論研
通白見真四坐共推操檄健一家誰信買書貧別來鄉國魂應
白蓮集卷第七

新劍閣東西盡戰塵

謝王詹事垂訪

鳥外孤峯未得歸
人間觸類是無机
方悲鹿軫栖江寺
忽訝輶車降竹扉
王澤乍聞譚渙汗
因風那得話玄微
應驚老病炎天裡
枯骨肩橫一衲衣

題南平後園牡丹

暖披烟艷照西園
翠幄朱欄護列仙
玉帳笙歌留盡日
瑤臺伴侶待歸天
香多覺受風光刺
紅重知含雨露偏
上客分明記開
處明年開更勝今年

和李書記

繡極全分青帝功
開時獨占上春風
吳姬舞雪非真艷
漢后題

詩是怨紅遠蝶
恣香拋別苑
野鶯啣得出
深宮君看
万態當筵
處羞殺
薔薇點碎叢

謝孫郎中寄示

一念禪餘味
因風早因持
論偶名公久
傷琴喪人亡
後忽有雲
和雪唱同鎚
琢靜聞
象外是非閑
見寂寂中
時來日往
緣真趣不覺
秋江度塞鴻

爰吟

正堪凝思掩禪局
又被詩魔惱竺卿
偶凭窓扉送落照
不眠風雪到殘更
皎然未必迷前習
支遁寧非悟後生
傳寫會逢精鑒者
也應知是咏閒情

寄懷東林寺匡白監寺

白蓮集卷第七

南岳別來無後約東林歸住有前緣
閑搜好句題紅葉靜飲雙眉對白蓮
雁墻影分疎檜月虎溪敲合幾峰泉
候心若似伊耶舍傳記須添十九賢

謝人惠十色花牋并碁子

陵州碁子浣花牋深媿携來自錦川
海蚌琢成星落落吳綾隱出雁翩翩
苗防桂苑題詩客惜寄蕊源敵手仙
捧受不堪思出處七千餘里劍門前

夏日寓居寄友人

北游兵阻復南還因寄荊州病掩關
日月坐銷江上寺清涼魂斷剡中山
披緇影跡堪藏拙出世身心合內閑
多謝扶風大君子相思時刻寐寥間

中秋十四夜月對上南平主人

今宵前夕皆堪翫何必圓時始竭才
空說輪中有天子不知何處是樓臺
終夏明夜雲遮却且掃閑居坐看來
玉兔銀蟾似多意乍臨棠樹影徘徊

謝人惠十才子圖

丹青妙寫十才人玉峭冰稜姑射神
醉舞離披真鸞鷲狂吟崩倒瑞騏驎
翻騰造化山曾竭採掇珠璣海幾貧
猶得知音與圖畫草堂閒掛似相親

荊門病中寄懷鄉人歐陽侍郎彬

誰會荊州一老夫夢勞神後憶匡廬
暮雲雁影紛々去黃葉蟬聲漸々無
口淡莫分食氣味身羸但覺病肌膚
可憐饌玉燒蘭白蓮集卷第七

者肯慰寒隈雪夜爐

送譚三藏入京

阿闍梨與佛身同灌頂難施利濟功
持呪力須資運祚度人心
要似虛空東周路踏紅塵裏
北極門瞻紫氣中好進梵文霑帝
澤却歸天策經真夙

三藏住梵天策寺

寄酬秦府高推官輦

天台衡岳舊曾尋
閑憶留題白石林
歲月已殘衰髮鬢
風騷猶壯寂寥心
緱山峯樹遮藏密
丹穴紅霞掩映深
爭得相逢一携手
拂衣同去聽玄音

叙懷寄高推官

搜新編舊與誰評
自向無教認有教
已覺夢來多廢道
可堪傳

去更沽名夙松韻裡忘形坐霜月光中共影行
還勝御溝寒夜水在吟衝尹甚傷情

送朱侍御自洛陽歸蘭州寧觀

尋常西望故園時
幾處魂隨落照飛
客路舊繁秦甸出
鄉程今遠漢陽歸
已過巫峽沉青靄
忽認峨眉在翠微
從此倚門休望
斷交新喜換老萊衣

貽惠暹上人

經論功餘更業詩
又於難裡縱天机
吳朝客見投文去
楚國僧迎著紫歸
已得教名先振俗
不妨風雪更探微
金陵尚憶恩門
在終掛雪帆重一飛

酬西蜀廣濟大師見寄

猶得吾師繼頌教百篇相愛寄南荆
卷開錦水霞光爛吟入峨眉雪氣
清楚外已甘推絕唱蜀中誰敢共
懸衡應懷無可同無本終向風騷
作弟兄

江寺春殘寄幕中知己二首

誰遣西來負岳雲自由歸去竟何
因山龕薜荔應殘雪江寺玫瑰
又度春早歲便師無學士臨年
却作有為人何妨夜宴時相
憶伴醉佯狂笑老身
社蓮慙與幕蓮同岳寺蕭條
儉府雄冷淡獨開香火裏殷
妍行列綺羅中秋加玉露何
傷白夜醉金釭不那紅閑
憶遺民此心地一般無染喻
真空

寄玉泉寶仁上人

往歲曾尋聖迹時樹邊三遶禮
吾師敢望護法將軍記且喜
焚香弟子知後會未期心的
前峯欲下步遲今來老劣
難行甚空寂無緣但寄詩

荆渚感懷寄僧達禪弟三首

電擊流年七十三齒衰氣沮
竟何堪誰云有句傳天下自
媿無心縱嶺南曉漱氣嫌通
市井晚烹香憶落雲潭隣
峰道者應彈指蘇剝藤纏
舊石龕

十五年前會虎溪白蓮齋後
便來西干戈時受信雖絕
吳楚路長魂不迷黃葉喻
曾同我悟峇雲情近與誰
携春殘相憶荆江岸一隻
杜鵑頭上啼

鶴嶺僧來細話君依前
高高蹠雜群自拋南岳
三生石長傷西白蓮集
卷第七

山數片雲丹訪葛洪無舊竈詩尋靈觀有遺文莫將離別為相
隔心似虛空幾處分

寄孫魴秀才

郡樓東面寺墻西顏子生涯竹屋低書案飛揚風落絮地苔痕
籍燕啣泥吟窓晚凭春篁密行徑斜穿夏菜齋別後相思頻夢
到二年同此賦閑題

送李評事往宜春

蘭舟西去是通津名郡賢侯下禮頻山遍寺樓看仰岫臺連城
閣上宜春鴻敷夜過鄉心乳雪韻朝飛句味新別有官榮身外
趣月江松徑訪禪人

中春感興

春風日下兩時寒力潛滋暖勢衰一氣不言含有象萬靈何
處謝無私詩通物理行堪極道合天机坐可窺應是正人持造
化盡駢幽細入鑪鎚

早鶯

何處經年絕好音暖風催出轉喬林羽毛新刷陶潛菊喉舌初
調對夜琴藏雨並袖紅杏密避人進入綠楊深曉來枝上千般
語應共苑花說舊心

訓上顏上人

紫綬蒼髭百歲侵綠苔芳草遠堦深不妨好鳥喧高臥切忌閑
人聒正吟魯鼎寂寥休辨口劫灰銷爇莫宣心還憐我有冥搜
癖時把新詩過竹尋

寄倪曙郎中

夙雨冥冥春閣移紅殘綠滿海棠枝帝鄉久別江鄉住椿筍何
如櫻笋時海內擅名君作賦林間外學我為師詩近聞南國升南
省應笑無机老病師

白蓮集卷第七終

白蓮集卷第八

湘中寓居春日感懷

江禽野獸兩堪傷避射驚彈各自忙頭角任多無獬豸羽毛雖
眾讓鴛鴦落苔紅小櫻莢熟侵井青纖燕麥長吟把離騷憶前
事汨羅春浪撼殘陽

瀟湘

寒清健畧遠相含珠媚根源在極南流古遞今空作島逗山衝
壁自為潭遷來賈誼愁無限謫過靈均恨不堪畢竟輸他老漁
叟綠蓑青竹釣濃藍

寄友生

白蓮集卷第八

廬岳僧齊已



夙騷情味近如何
門底寒流屋裏莎
曾摘園蔬留我宿
共吟江月看鴻過
時危苦恨無收拾
道妙深誇有琢磨
涼夜歌眠應得夢
平生心肺似君多

訓荅退上人

鬚髮三分白
二分一生蹤
跡出人群高
丘夢憶諸峰
雪衡岳禪依五寺
雲青衲幾臨高瀑
濯苦吟曾許
斷猿聞荒村
殘臘相逢夜月滿
鴻多楚水濱

山中春懷

心魂役、不曾歸
萬象相牽向極微
所得或憂逢郢刃
凡言皆欲奪天機
遊汲晚谷香充鼻
坐苦春松粉滿衣
何為不為狼籍境
苑花和雨落霏

寄鄭谷郎中

上國誰傳消息過
醉眠醒坐對嵯峨
身離道士衣裳少
筆荅禪師句
偈多南岼郡鐘
涼度枕西齋
竹露冷
霑莎還應笑我降心外
惹得詩魔助佛魔

寄萍鄉唐稟正字

新書聲價滿皇都
高卧林中更起無
春興酒香薰肺腑
夜吟雲氣溼鬚鬚
同登水閣僧皆別
共上漁舡鶴亦孤
長憶前年送行處
洞門殘日照菖蒲

秋夕書懷

涼多夜永擁山袍
片石閒歌不覺勞
蟋蟀遶床無夢寐
梧桐滿地有蕭騷
平生樂道心常切
五字逢人價合高
破落西窓向殘白
蓮集卷第八

月露散如雨滴蓬蒿

乳後經西山寺

松燒寺破是刀兵
谷爰陵遷事可驚
雲裡尔逢新任主
石邊重認舊題名
閑臨菡萏荒池坐
亂踏鴛鴦破瓦行
欲伴高僧重結社
此身無計捨前程

題梁賢巽公房

吳王廟側有高房
簾影南軒日正長
吹苑野風飛葉暮
壓畦春露菜花黃
懸燈向後惟冥默
凭案前頭即渺茫
知有虎溪歸夢切
寺門松折社僧亡

塘上閑作

閑行閑坐藉莎煙
此興堪思二古賢
陶靖節居彭澤畔
賀知章

在鏡湖邊鴛鴦著對能飛繡
菡萏成羣不語仙
形影騰、夕陽裏數峯危翠滴漁舩

江上望遠山寄鄭谷即中公時退居仰山

危峯層、映水天半垂
岡隴下民田
王維愛甚難拋
画支道高多不惜錢
巨石盡含金玉氣
亂峯閑鎖棟梁烟
秦爭漢奪空勞力却是業由得穩眠

送人自蜀迴南游

錦水東浮情尚鬱
湘波南泛思何長
蜀魂巴狄悲殘夜
越鳥燕鴻叫夕陽
烟月幾般為客路
林泉四絕是吾鄉
尋幽必有僧相指
宋杜題詩近舊房

寄無願上人

白蓮集卷第八

六十八去七十歲與師年髮不爭多誰言生死無消處還有候
行那得何閑事安能窮好惡故人堪憶舊經過會歸原上焚身
後一陣灰飛也任他

懷瀟湘卽事寄友人

浸野淫空淡蕩和十年鄰住聽漁歌城臨遠棹浮烟泊寺近閑
人泛月過岼引綠蕪春雨細汀連斑竹晚風多可憐千古懷沙
處還有魚龍弄白波

謝橘洲人寄橘

洞庭栽種似瀟湘綠遶人家帶夕陽霜衰露蒸千樹熟浪圍風
撼一洲香洪崖遺後名何遠陸績懷來事更長藏貯待供賓客
好石榴宜稱映丹光

自貽

心中身外更何猜坐石看雲養聖胎名在好詩誰逐去跡依閑
處自歸來時添瀑布新餅水旋換旗檀舊印灰晴出寺門驚往
事古松千尺半蒼苔

寄益上人

長想尋君道路遙亂山霜後火新燒近聞移住隣衡岳幾度題
詩上石橋古木傳聲連峭壁一燈懸影過中宵風騷味薄誰相
愛歌枕常多夢鮑昭

行次宜春寄湘西諸友

幸無名利路相迷隻履尋山上柏梯衣跡祖辭梅嶺外香燈社
別橘洲西雪中石鉞青侵漢樹下苔錢綠遶溪我愛遠游君愛
白蓮集卷第八

任此心他約與誰携

送略禪者歸南岳

林下鐘殘又拂衣
錫聲還獨向南飛
千峰冷截冥鴻處
一徑險通禪客歸
青石上行苔片片
古杉邊宿雨霏霏
勞生有願應回首
忍著無心與物違

詠懷寄知己

已得浮生到老閑
且將新句擬玄閑
自知清興來無盡
誰道淳風去不還
三百正聲傳世後
五千真理在人間
此心終待相逢說
時復登樓看暮山

寄吳拾遺

新作將誰權重輕
皎然許裏見權衡
非無苦到難搜處
合有清

垂不朽名跡
雨晚衝蓮葉
響亂蟬涼抱
檜梢鳴
楚橋閒背殘陽
立翻憶蘓卿
送李卿

春晴感興

連旬陰翳曉來旬
水滿圓塘照日明
岸州短長邊過客
江花紅白裡啼鶯
野無征戰時
堪望山有樓臺
暖好行桑柘
依木香綠
可伶歸本
是張衡

謝道爻拄杖

翦自南岩瀑布邊
寒光七尺乳珠連
持來未入塵埃路
乞與應怜老病年
歌影夜歸青石澗
卓痕秋過綠苔錢
他時携上嵩峰頂
把倚長松看洛川

東林寄別侯睦上人

行心乞得見秋風
隻履難留更住蹤
紅葉正多離社客
白雲無限向嵩峯
囊中自欠詩千首
身外誰知事幾重
此別不能為後約
年華相似逼衰容

夏日原西避暑寄吟友

熱煙疎竹古原西
日暮乘涼此杖藜
閑處雨聲隨辟歷
旱田人望隔虹霓
蟬依獨樹乾吟苦
鳥憶平川渴過齊
別有相招好泉石
瑞花瑤草盡堪携

懷匡阜

荊州連歲滯游方
拄杖塵封六尺光
洗面有香思石溜
冥心無撓憶山床
閑机但媿時机速
靜論須慚世論長
昨夜分明夢歸去
薜蘿幽迳遠禪房

靜坐

繩床歌坐任崩頽
隻眼醒來閉復開
日月更無閑裡過
風騷時有靜中來
天真自得生維捨
世到誰驚死不迴
何處堪投此蹤跡
水邊晴去上高臺

寄湘中諸友

暮雲諸友盡黃眸
石點花飛更說無
嵐翠溼衣松接院
芙蓉薰面寺臨湖
沃洲高卧心何僻
匡社長禪與尔孤
爭似楚王文物國
金鑣紫綬讓前途

荅无願上人書

鄭生驅蹇峴山迴
傳得安公好信來
千里阻候俱老骨
八行重疊慰寒灰
春殘飛李猶開戶
雪滿嵩山始上臺
必有南遊山水白
蓮集卷第八

興漢江平穩好浮杯

送胤公歸闕

西朝歸去見高情應忘香燈近聖明
關令莫殺非馬辯道安還跨赤驢
行充齋野店蔬無味酒笠平原雪有
殺忍惜文章便閑得看它趨竟取時
名

感時

忽、枕前胡蝶夢悠、覺後利名塵無窮
今日明朝事有限生來死去人終與
狐狸為窟穴謾師龜鶴養精神可憐
顏子能消息虛室坐忘心最真

湖上逸人

澹蕩光中翡翠飛田、初出柳絲、吟
泐綠島時逢鶴醉泛清

波或見龜七澤釣師應識我中原
逐鹿不知誰秋風水寺僧相近一
徑芦花到竹籬

懷巴陵

垂白堪息大乳前薄游鷗駐洞庭
邊尋僧古寺泐沙岸倚杖殘陽落水
天蘭芷蕙菸騷客庙烟波晴開釣師
船此時欲買君山住懶就商人乞箇
錢

渚宮謝楊秀才自嵩山相訪

嵩峰有客遠相尋塵滿麻衣袖苦吟
花盡草長方閉戶道孤身老正傷心
紅堆落日雲千仞暮撼涼風竹一林
惆悵雅教消歇去喜君聊此暫披襟

荆門寄沈彬

白蓮集卷第八

罷趨明聖懶從知鶴氅襦褌遂性披道有靜君堪託
臨詩無賢子擬傳誰松散白石邊行止日影紅霞裏
夢思珍重兩篇千里連去年江上雪飛時

讀陰符經

遶憲風竹骨輕安閑借陰符仰臥看絕利一源真有謂
空勞万卷是無端清虛可保昇雲易嗜慾終知入聖維
三要洞開何用閉高臺時去凭闌干

寄吳國知舊

淮甸當年憶旅游衲衣襖笠外何求城中古巷尋
詩客橋上殘陽背酒樓晴色水雲天合影晚散名利市
爭頭可憐王化融裏惆悵無僧似惠休

移居

上台言任養踈愚乞與西城水滿湖吹榻好風終日
有趁涼閑客片時無檀藥翠擁清蟬在菡萏紅殘白鳥
孤欲問存思搜抉妙幾聯詩許敵三都

喜林上人遠見訪

高吟欲繼沃洲師千里相尋問課虛殘曠江山行盡
處滿衣風雪到閑居携來律韻清何甚趣入幽微旨不
踈莫惜天机細擬琢他時終可擬芙蓉

荊州新秋寺居寫懷詩五首上南平王

竹如翡翠侵簾影苔學琉璃布地紋高臥更應無此
樂遠游何必愛他雲閑聽謝眺吟為政靜看蕭何坐
致君只恐老身衰朽

速他年不得頌鴻勳
井梧黃落暮蟬清
夕駐金臺但暗驚
事佛未怜諸弟子
談空爭動上公卿
合歸鳥外藏
幽跡敢向人前認
好名滿印白檀燈
一盞可能酬謝得
聰明
金湯裏面境何求
寶殿東邊院
甃幽栽種已添新
竹影
画圖兼列遠
山秋形容豈合親
公子章句爭堪狎
士流虛負岷峨老僧
約年一雪水下汀洲

漢江西岸蜀江東
六稔安禪教化中
託跡幸將王粲別
歸心寧與子山同
罇壘豈識曹叅酒
賓坐還親宋玉風
又見去年三五夕
一輪寒魄破烟空
石龕閑鎖舊居岑
何事膺門歲月重
五七詩中叨見遇
三千客

外許疎慵迎涼蟋蟀喧
閑思積雨莓苔沒
屐蹤會待英雄啓金口
却教擔錫入雲松

送李秀才歸湘中

詞客携文訪病夫
因吟送別憶湘湖
寒消浦漵催鴻雁
暖入溪山養鷓鴣
僧向月中尋岳麓
雲從城上去蒼梧
君歸為問峰前寺
舊住松房鏤在無

寄吳國西供奉

別來相憶夢多迷
君住東朝我楚西
瑤闕合陪龍象位
春山休記鷓鴣啼
承恩位與千官別
應制才將十子齊
幾咲遠公慵送客
慙慙直到寺前溪

謝人惠端溪硯

端人鑿嶄畧溪澗善價爭教惜萬金龍珠已曾經敏手研磨終
見透堅心安排得主難移動含貯隨時任淺深保重更求裝鈿
匣陶將濡染寄知音

送吳先輩赴京

煙霄已遂明經第江漢重來問苦吟託興偶憑風月遠忘机終
在寄察深千篇未聽常徒口一字須防作者心此日与君聊話
後老身難約更相尋

和西蜀可準大師遠寄之什

莫知何路去追攀空想人間出世間杜口已同居士室傳心休
問祖師山禪中不住方為定說處無生始是閑珍重希音遠相
寄亂峯西望置孱顏

荆門暮冬与節公話別

漳河湘岸柳関頭離別相逢四十秋我憶黃梅夢南國君懷明
主去東周幾程霜雪經殘臘何處封壇過舊遊好及春風承帝
澤莫忘衰朽卧林丘

賀孫支使郎中遷居

別認公侯禮上才築金何帝舊燕臺地連東閣橫頭買門對西
園正面開不隔紅塵趨祭戟只拖珠履赴尊罍應逢明月清霜
夜閑領笙歌宴此來

庭際新移松竹

三莖瘦竹兩株松瑟、脩、韵且同抱節乍離新澗雪盤根遠
別舊林風歲寒相倚無塵地蔭影分明有月中更待陽和信催
白蓮集卷第八

促裊梢青杪看凌空

荆門寄題禪月大師影堂

澤國聞師泥日後蜀王金禮葬餘灰白蓮塔向清泉鑲禪月堂
臨錦水開西岳千篇傳古律大師著西岳集三卷盛傳于世南宗一句印靈
臺不堪隻履還西去葱嶺如今無使迴

賀雪

上清凝結下乾坤為瑞為祥表致君日月影從光外過山河形
向靜中分歌揚郢路誰同聽教洒梁園客共聞堪想畫堂簾捲
次輕隨舞袖正紛

荊州寄貫微上人

舊齋休憶對松關各在王侯顧遇間命服已霑天渥澤衲衣猶

擁祖爛斑相思莫救燒心火留滯難移壓腦山得失兩途俱不
是笑他高卧暮孱顏

送休師歸長沙寧覲

高堂親老本師存多難長懸西處魂已說戰塵消漢口便隨征
棹別荆門晴吟野闊無畊地晚宿滄溪有釣村他日更思衰老
否七年相伴琢詩言

江上夏日

無處清陰似剡溪火雲竒崛倚空齊千山冷疊湖光外一扇涼
搖楚色西峇樹影疎風易斲綠蕪平遠日難低故園舊寺臨湘
水斑竹煙深越鳥啼

渚宮春日因懷有作

舊業樹連湘樹遠家山雲与岳雲平僧來已說無畊釣雁去那
知有弟兄客思莫辜胡蝶夢鄉心自憶鷓鴣聲沙頭南望堪腸
斷誰把歸舟載我行

松化為石

近金華山
松化為石

盤根幾竇翠崖前却偃凌雲化至堅乍結翠華齊永劫不隨凋
爰已千年逢賢必用鐫辭立遇聖終將刻印傳自似荆山鑿餘
者蘇封頑滯臥嵐烟

寄澧陽吳使君

南客西來話使君澧陽風雨愛行春四鄰耕釣趁仁政千里烟
花壓路塵去獸未勝除狡吏還珠爭似復逋民紅蘭浦暖攜才
子爛醉連題賦白蘋

湘江送客

湘江秋色湛如水楚客離懷真不勝千里暮雲聞塞雁幾程青
草見巴陵寒濤響曷晨征榜岼葦藜明夜泊燈鸚鵡洲邊若迴
首為思前事一扃膺

暮遊岳麓寺

寺樓高出暮崖稜城裡誰知在上層初雪洒來喬木暝遠禽飛
過大江澄閑消不睡憐長夜靜照無言謝一燈迴首何邊是空
地四村桑麥遍丘陵

林下留別道友

任尔無依去是閑何心終忽此林間片雲孤鶴東西路四海九
州多少山靜坐趁涼移樹影興隨題處著苔斑秋來洗浣行衣
白蓮集卷第八

了還南隣僧舊竹園

道林寺居寄岳巖禪師二首

門前石路徹中峯
樹影泉聲在半空
尋去未應勞上下
住來殊已倦
西東鬢根盡
白孤雲並心跡
全忘片月同
長憶高窓夏天裡
古松青檜午時風

山祀不稱下紅塵
各是閑居島外身
兩處烟霞門寂寂
一般苔蘚石磷磷
禪閑悟後寧親物
詩格玄來不傍人
月照經行更誰見
露華松粉點衣巾

亂後江西過孫魴舊居因寄

舊遊重到倍悲涼
吟憶同人倚寺牆
何處暮蟬喧送旅
此中山鳥噪垂楊
寰區有主權
兵器風月無人掌
桂香欲寄此心空
北

望塞鴻天末失歸行

宜春江上寄仰山長老二首

水隔孤城、隔山水
邊時望憶師
閉清泉白石中
峯上落日半空
栖鳥還雲影
觸衣分朵、兩聲吹磬散潺湲
傳心莫學羅浮去
後輩思量待扣闌
雨晴天半暮
光流影倒殘
陽溼郡樓絕頂
有人經劫在
浮生無客暫時遊
窻開万壑春
泉亂塔鏤孤燈
夏木凋欲為吾師
拂衣去白雲紅葉又新秋

螢

透窻穿竹住還移
万類俱閑始見伊
誰把寸光藏暗室
自持孤影助明時
空庭散逐金風起
亂葉爭投玉露垂
後代儒生懶收白蓮集卷第八

拾夜深飛過讀書帷

相中送翁負外歸朔

船滿琴書與酒杯清
湘影裡片帆開
人歸南國鄉園去
雁逐西風日夜來
天勢漸低分海樹
山程欲盡見城臺
此身未別江邊寺
猶看星郎奉詔迴

寄居道林寺作

嵐溼南朝殿塔寒
此中因得謝塵寰
已同庭樹千株老
未負溪雲一片閑
石鏡舊遊臨皎潔
岳蓮曾上徹孱顏
如今衰颯成多病
黃葉風前畫掩關

沙鷗

暖傍漁船睡不驚
可憐孤潔似華亭
晚來滄浦衝平晷
晴過汀

洲拂淺青翡翠靜
中候羽翼鴛鴦閑
處事儂形何如飛入漢宮
去留與興亡作典經

和翁負外題馬太傅宅賈相公井

飛塵不敢下相干
閣脉傷應潤牡丹
心任短長投玉綆
底須三五映金盤
神工舊製泓澄在天澤
時加潑灑寒太傅欲旌前古
事星郎屬思久憑欄

看雲

何峯觸石溼苔錢
便逐高風離瀑泉
深處臥來真隱逸
上頭行去是神仙
千尋有影滄江底
万里無蹤暮落邊
長憶舊山青壁裏
遶庵閑伴老僧禪

對雪寄荆幕知己

猛勢微開万里清月中看似日中明此時鷗鷺無人見何處閑
山有客行郢唱轉高誰敢和巴歌相顧自銷聲江齋卷箔含毫
久應想梁王禮不經

送相里秀才赴舉

兩上東堂不見春文明重去有誰親曾逢少海樽前客舊是神
仙會裡人已遂風雲催化羽却將雷電助燒鱗明年自此登龍
後迴首荆門一路塵

荆門疾中喜謝尊師自南嶽來相里秀才自京至

閑堂晝臥眼初開強起徐行遶砌苔鶴斃人從衡岳至鶉衣客
自洛陽來坐聞隣樹栖幽鳥吟覺江雲發早雷西笈東遊此相
別兩途消息待誰迴

吟興自述

前習都由未盡空生知雅道妙難窮一千首出悲哀外五十年
銷雪月中興去不妨歸靜慮情來何止發真風曾無一字干
利豈媿操心負至公

送謝尊師自南嶽出入京

曾聽鹿鳴逢世亂因披羽服隱衡陽幾多事隔丹霄興三十年
成兩鬢霜芝朮未甘銷勇氣風騷無那激剛腸中朝舊有知音
在可是悠々入帝鄉

送司空學士赴京

弘文初命下江邊難忘沙鷗與釣舡藍綬乍稱新學士白衫初
脫舊神仙龍山送別風生路鷄樹沒容雪照筵重謁往年金牘
白蓮集卷第八

主便將才術佐陶甄

白蓮集卷第八終

白蓮集卷第九

春寄尚顏

含桃花謝杏花開
杜宇新啼燕子來
好事可能無分得
名山長似有人催
檐榖未斷前旬雨
電影還連後夜雷
心跡共師爭幾許
俗人嫌處自遲迴

寄梁先輩

慈恩塔下曲江邊
別後多應夢到仙
時去與誰論此事
亂來何處覓同年
陳琳筆硯甘前席
角里煙霞待共眠
愛惜麻衣好顏色
未教朱紫污天然

荆渚偶作

白蓮集卷第九

廬岳僧齊已



白蓮集卷第八終

無味吟詩即把經竟將踈野訪誰行身依江寺庭無樹山遶天涯路有兵竹瓦雨敲漂水日紙窗燈焰照殘更後容一覺清涼夢歸到龍潭掃石枰

城中晚夏思山

葛衣霑汗功雖健紙扇搖風力甚卑苦熱恨無行脚處激涼喜到立秋時竹軒靜看蜘蛛挂莎徑閑聽蟋蟀移天外有山歸即是豈同遊子暮何之

憶舊山

誰請衰羸任北州七年竟斲舊山丘心清檻底瀟湘月骨冷禪中太華秋高節未聞馴虎豹片言何以傲王侯應須脫洒孤峯去始是分明箇剃頭

寄體休

南州君去為尋醫病色應除似舊時久別莫忘庠阜約却來須有洞庭詩金陵往歲同窺井峴首前秋共讀碑西霞山河見興廢相思愛切卧雲期

過陸鴻漸舊居

楚客西來過舊居讀碑尋傳見終初佯狂未必輕儒業高尚何妨誦佛書陸生誦佛書傳于井石又云種竹岍香連茵菑煮茶泉影落蟾輪如今若更生來此知有何人贈白駒時太守贈白駒

寄懷鍾陵舊遊因寄知已

洪井僧來說舊游西江東岸是城樓昔年淹跡因王化長日凭欄看水流真觀上人栖樹石陳陶處士在林丘終拖老病重尋白蓮集卷第九

去得到官庠死便休

遣懷

病腸休洗老休醫七十能饒百歲期不死任還蓬島客無生自有雪山詩師浮雲聚散堪閑慮明月相逢好展眉朕兆未萌閑酌度不如中抱自尋思

懷武陵因寄幕中韓先輩何從事

武陵嘉致跡多幽每見罔經恨白頭溪浪春通何處去桃花紅過郡前流常聞相幕鶯鴻興日向神仙洞府遊鑿井耕田人在否如今天子正徵搜

贈樊處士

小小聲名天下知滿簪霜雪白麻衣誰將一着爭先後共向長

安定是非有路未曾迷日用無貪終不亂天機閑尋道士過仙觀賭得黃庭兩卷歸

荆渚逢禪友

澤國相逢話一宵雲山偶別隔前朝社思匡岳無宗炳詩憶揚州有鮑昭農野黍離春漠漠水天星燦夜遙遙閑吟莫忘傳心祖曾立階前雪到腰

送僧歸洛中

赤日彤霞照晚坡東州道路興如何蟬離楚柳鳴猶少葉到嵩雲落漸多海內自為閑去任閑頭誰問舊經過丁寧與訪春山寺白樂天真在也麼

道林寓居

秋泉一片樹千株暮汲寒燒外有餘青嶂者邊來已熟紅塵那
畔去應疎風騷未肯忘雕琢蕭洒無妨更剝除即問沃州開士
僻愛禽憐駿意何如

仙掌

峭形寒倚夕陽天毛女蓮花翠影連雲外自為高出手人間誰
合鬪揮拳鶴拋青漢來岩檜僧隔黃河望頂烟晴露紅霞長滿
掌只應栖託是神仙

中秋月

空碧無雲露溼衣羣星光外湧清規東樓莫碍漸高影四海待
看當午時還許分明吟皓魄肯教幽暗取丹枝可憐半夜婵娟
影正對五侯殘酒卮

送禪者遊南嶽

忽隨南棹去衡陽誰住江邊樹下房塵夢是非都覺了野雲心
地更何妨漸臨瀑布聽猿思却背岫嶠看雁行想到中峰上層
寺石窻秋霽見潇湘

聞道林諸友嘗茶因有寄

槍旗冉冉綠叢園穀雨初晴叫杜鵑擔帶嶽華蒸曉露碾和松
粉煮春泉高人夢惜藏岩裏白碓封題寄火前應念苦吟耽睡
起不堪無過夕陽天

將歸舊山留別錯公

舊峰前昨下來時白石叢中間紫微章句不堪歌有道溪山只
合退無机雲含睨態晴猶在鶴養閑神書不飛欲去更思過丈
白蓮集卷第九

室二年頻此挹清暉

聞尚顏上人初居有寄

麓山南面橘洲西別構新齋與竹齊
楚客已聞將鶴贈江僧未說有詩題
窓臨杳靄寒千嶂枕遍潺湲月一溪
可想乍移吟榻霧松陰冷濕鮮新泥

庚午歲九日作

門底秋苔嫩似藍此中消息與何堪
亂離偷過九月九頭尾笑來三十三
雲影半晴開夢澤菊花微暖傍江潭
故人今日在不

在胡雁背風飛向南
逢進士沈彬

欲話趨時首重搔因君倍惜剃頭刀
千般貴在能過達一片心

閑不那高山疊好雪藏玉鳥海翻狂
鷗隔金鰲時應記得長安事曾向文場
屬思勞

聞王負外新恩有寄

欲退無因貴逼來少儀官美右丞才
青袍早許淹花幕霜簡方聞謝柏臺
金誥靜宜資講誦玉山寒稱奉尊壘
西峯有客思相賀門隔瀟湘雪未開

秋夕言懷寄所知

休問蒙莊材不材孤燈影共傍寒灰
忘筌話道心甘死候體論詩口懶開
窓外風濤連建業夢中雲木憶天台
相疎却是相知分誰訝經年一度來

荅禪者

白蓮集卷第九

五老峯前相遇時，無言語只揚眉。
南宗北祖皆如此，天上人間更問誰。
山衲靜披雲片，鐵刀涼削髮絲。
閑吟莫學湯淺事，拋却袈裟負本師。

寄尚顏公受徐州薛尚書見知

莫向孤峯道息机，有人偷眼羨吾師。
滿身光化年前寵，幾軸閒平歲裏詩。
北朔故人隨喪亂，南山舊寺在參差。
清吟但憶徐方政，應恨當時不見時。

梓栗杖送人

禪家何物贈分襟，只有天台杖一尋。
拄去客歸清洛遠，採來僧入白雲深。
遊山曾把探龍穴，出世期將指佛心。
此日江邊贈君後，却携筇竹向東林。

寄朗陵二禪友

瀟湘曾宿話詩評，荆楚連秋阻野情。
金錫罷遊雙鬢白，鐵盃終守一齋清。
篇章老欲齊高手，風月閑思到極精。
南望山門石何處，滄浪雲夢浸天橫。

燈

幽光耿耿卓堂空，窓隔飛蛾恨不通。
紅燼自凝清夜朵，赤心長謝暮紗籠。
雲藏水國城臺裡，雨閉松門殿堦中。
金屋玉堂開照曜，豈知螢雪有深功。

寄金陵幕中李郎中

龍門支派富才能，年少飛翔便大鷄。
久侍樽罍臨鐵瓮，又從幢節鎮金陵。
精神一隻秋空鶴，騷雅千尋夏井冰。
長憶相招宿華

館數宵忘寢盡寒燈

寄韓旣秀才

松門高不似戾門
蘇逕鞋蹤觸處分
遠事即為無害鳥
多閑便是有情雲
那憂寵辱來驚我
且寄風騷去敵君
知伴李膺琴酒外
絳紗閑卷共論文

湘中春興

雨歇江明苑樹乾
物妍時泰恣遊盤
更無輕翠勝楊柳
盡覺濃華在牡丹
終日去還拋寂寞
遠池迴却凭欄干
紅芳片：由青帝
忍向西園看落殘

送錯公拙公南遊

洪偃湯休道不殊
高帆共載興何俱
北京喪亂離丹鳳
南國烟

花入鷓鴣明月圓
圓臨桂水白雲重
疊起蒼梧威儀本
是朝天子
暫向遼荒住得無

寄南岳諸道友

南望衡陽積瘴開
去年曾踏雪遊迴
謾為楚客蹉跎過
却是邊鴻的當來
乳竇孤明含海日
石橋危滑長春苔
終尋十八高人去
共坐蒼崖養聖胎

送韓旣秀才赴舉

槐花館驛暮塵昏
此去分明吏部孫
才器合居科第首
風流幸是薦紳門
春和洛水清無浪
雪洗高峯暮斷根
堪想都人齊指點
列仙相次上崑崙

溪居寓言

白蓮集卷第九

秋疏數壠傍潺湲頰覺生涯異俗緣詩興難窮花草外楚情何
限水雲邊垂教遠屋無人語月影當松有鶴眠寄向東溪老樵
道莫推丹桂博青錢

遣懷

詩病相兼老病深世醫徒更費千金餘生豈必虛拋擲未死何
妨樂詠吟流水不迴休歎息白雲無迹莫追尋閑身自有閑消
處黃葉清風蟬一林

自湘中將入蜀留別諸友

巾舄初隨入蜀船風帆吼過洞庭烟七千里路到何處十二峯
雲更那邊巫女暮歸林漸瀝已猿吟斷月嬋娟來年五月峨眉
雪坐看消融滿錦川

寄匡阜諸公二首

松頭柏頂暮森々虛檻寒吹夏景深靜社可追長往跡白蓮難
問_心候心山圍四面繞容寺月到中宵_始滿林爭學忘言任幽
勝吾師遺集盡清吟

峯前林下東西寺地角天涯來往僧泉月淨流閑世界杉松澗
鏤畫香燈爭無大士重候社合有諸賢更服膺曾寄隣房挂餅
錫雨聞_岩溜解春冰

送人入蜀

何必蜀吟蜀道難知君心出嶮巖間尋常秋泛江陵去容易春
浮錦水還西面暮懸神女峽幾重青出丈人山文君酒市逢初
雪滿貫新沽洗旅顏

訓庐山張處士

髮枯身老任浮沈，懶泥秋風更役吟。
新事向人堪結舌，舊詩開卷但傷心。
苔床卧憶泉聲遠，麻履行思樹影深。
終謝柴桑與彭澤，醉遊閑訪入東林。

寄峴山道人

鳳門高對鹿門青，往歲經過恨未平。
辯鼎上人方話道，臥龍丞相忽追兵。
鑪峰已負重迴計，華岳終懸未去情。
聞說東周天子聖，會搖金錫却西行。

送王處士遊蜀

又掛寒帆向錦川，木蘭舟裡過殘年。
自候姹_子鑪中物，擬作飄飄水上仙。
三峽浪喧明月夜，萬州山到夕陽天。
來年的有荆南

信迴札應緘十色牋

懷金陵李推官僧自牧

秣陵長憶共吟遊，儒釋風騷盡上流。
蓮幕少年輕謝朓，雪山真子鄙湯休。
也應有作懷清苦，莫謂無心過白頭。
欲附別來千萬意，病身初起向殘秋。

寄尋萍公

聞在湓城多寄住，隨時談笑渾塵埃。
孤峰恐憶便歸去，浮世要看還下來。
萬頃野烟春雨斷，九條寒浪晚窓開。
虎溪橋上龍潭寺，曾此相尋踏雪迴。

得李推官近寄懷

荆門前歲使乎迴，求得星郎近製來。
連日借吟終不已，一燈忘

寢又重開秋風湧作牽情賦春草真為入夢才堪笑陳宮諸狎
客當時空有箇追陪

對菊

蝶醉蜂狂半拆時冷烟清露壓離披欲傾琥珀盃浮甬好把茱
萸朶配伊孔雀毛衣應者是鳳皇金翠更無之何因裁內僧園
裏門外重陽過不知

憶東林因送二生歸

好向東林度此生羊天山脚寺門平紅霞嶂底潺湲色清夜房
前瑟瑟聲偶別十年成瞬息欲來千里阻刀兵可憐二子同歸
興南國烟花路好行
渚宮西城地上居

城東移錫住城西綠遶春波引杖藜翡翠湍身衣有異鷺鷥通
體格非低風搖柳眼開烟小暖逼蘭芽出上齊猶有幽溪不相
似剡溪乘棹入耶溪

中秋夕愴懷寄荆幕孫郎中

白蓮香散沼痕乾綠篠陰濃蘚地寒年老寄居思隱切夜涼留
客話時難行僧盡去雲山遠賓雁同來澤國寬時謝孔璋操檄
外每將空病問衰殘

酬湘幕徐負外見寄

東海儒宗事業全冰稜孤峭類神仙詩同李賀精通鬼文擬劉
軻妙入禪珠履早曾從相府玳簪今又別賓筵篇章幾謝傳西
楚空想雄風度十年

寄蜀國廣濟大師

冰壓霜壇律格清三千傳授盡門生
禪心靜入空無跡詩句閑
搜府有教滿國繁華徒自樂
西朝更受未曾驚終思相約岷峨
去不得携筇一路行

答獻上人卷

衲衣禪客袖篇章江上相尋共感傷
秦甸亂來栖白沒
山空後皎然
止清留島月秋凝露苦寄巴猿
夜叫霜珍重南宗好才
子灰心冥目外無妨

寄武陵貫澈上人二首

知泛滄浪棹未還西峯房鎖夜潺湲
春陪相府游仙洞雪共宿
窻對枉山詩裏幾添新
函蕊衲痕應換舊
爛斑莫忘一白曹溪

妙堪塞孫子騁度關

吳頭東面楚西邊雲接蒼梧水浸天
兩地別離身已老一言相
合道休傳風騷妙欲凌春草
踪跡閑思遠嶽蓮不是傲他名利
世吾師本在雪山巔

懷體休上人

仲宣樓上望重湖君到瀟湘得健無
病遇何人分菓餌詩逢誰
子論工夫杉蘿寺裏尋秋早
橘柚洲邊度日捕許送自身歸華
嶽待來朝暮拂餅盃

招湖上兄弟

去歲得君消息在兩憑人信過重湖
忍貪風月當年少不寄音
書慰老夫菓鼎近聞傳秘訣詩門
曾說擁寒爐漢江路西來

便好榻扁舟訪我無

江居寄閩中知己

多病多慵漢水邊
流年不覺已皤然
舊栽花地添黃竹
新臨盆池換白蓮
雪月未忘招遠客
雲山終待去安禪
八行書札君休問
不似風騷寄一篇

中秋十五夜寄人

高河瑟瑟轉金盃
歎露吹光逆凭欄
四海魚龍精魄冷
五山鷲鶴骨毛寒
今宵盡向圓時望
後夜誰當缺處看
何事清光與蟾兔
却教才子少留難

謝人自鍾陵寄紙筆

故人猶憶苦吟勞
所惠何如金錯刀
霜雪剪裁新剡硯
鋒銚管

束本宣毫知若倒
篋情何厚借我臨池價
斗高詞客分張看
欲盡不堪來處隔
秋濤

移居西湖作二首

火雲陽焰欲燒空
小檻幽窓想舊峯
白汗此時流枕簟
清風何處動杉松
殘更正好眠涼月
遠寺俄聞報曉鐘
只待秋聲滌心地
衲衣新洗健形容
官園樹影畫陰
咫尺清涼莫浣心
桃李別教人主掌
烟花不稱我追尋
蛸蟾晚噪風枝穩
翡翠閑眠宿處深
爭似出塵地
行止東林苔徑入西林

看金陵園
以下絕句

六朝園畫戰爭多
竄是陳宮計數訛
若愛蒼生似歌舞
隋皇自白蓮集卷第九

合恥干戈

寄南岳泰禪師

江頭默想坐禪峰白石山前萬丈空山下獵人應不到雪深花
鹿在菴中

片雲

水底分明天上雲可憐飛影似吾身何妨舒作從龍勢一雨吹
銷萬里塵

寄清溪道者

萬重千疊紅霞嶂夜燭朝香白日龕常寄溪窓凭危檻看經影
落古龍潭

病中勉送小師往清涼山禮大聖

豐衣足食處莫住聖跡靈蹤好遍尋忽遇文殊開慧眼他年應
記老師心

謝人惠拄杖

何處雲根採得來黑龍狂欲作風雷知師念我形骸老教把經
行拄綠苔

送楚雲上人住南嶽刺血寫法華經

剥皮刺血誠何苦欲寫靈山九會文十指瀝乾終七軸後來求
法更無君

送胎髮筆寄仁公

內唯胎髮外秋毫綠玉新裁管束牢老病手疼無那尔却資年
少寫風騷

謝西川曇域大師玉筋篆書

玉筋真文久不興
李斯傳到李陽冰
正悲千載無來者
果見僧中有箇僧

偶作寄王秘書

七絲湘水秋深夜
五字河橋日暮時
借問秘書郎此意
靜彈高詠有誰知

謝人惠紙

烘焙幾工成
曉雪輕明百幅疊
春冰何銷才子題
詩外分与能書貝葉僧

荅文勝大師清桂書

纔把文章干聖主
便承恩澤換禪衣
應嫌六祖空傳衲
只向曹

溪永息机

寄懷曾口寺文英大師

着紫袈裟名已貴
吟紅菡萏價兼高
秋風曾憶西游處
門對平湖滿白濤

懷道林寺道友

四絕堂前万木秋
暮蒼影壓湘流閑
思宋社題詩版一
上憑欄到夜休

絕句四首上辭主人

華亭來復去
芝田丹頂霜毛性
可憐縱与乘軒終
悞主不如還放却
遼天右放鶴

堪憶春雲十二峯
野桃山杏搗香紅
王孫可念愁金鎖
從放斷白蓮集卷第九

賜明月中

右放猿

白蘋紅蓼暮江涯日暖雙、立睡時願揭金籠放歸去却隨沙

鶴崗輕絲

右放鷺鷥

隴西蒼嶽結巢高本為無人識翠毛今日籠中強言語乞歸天外啄含桃

右放鸚鵡

白蓮集卷第九終

白蓮集卷第十

襍歌行四十首

七言絕句四十一首



猛虎行

磨爾牙錯爾爪狐莫威兔莫狡飢來吞噬取腸飽橫行不怕日月明皇天產爾為生擗前村半夜聞吼聲何人按劍燈熒

西山叟

西山中多狼虎去歲傷兒復傷婦官家不問孤老身還在前山山下住

君子行

聖人不生麟龍何瑞梧桐不高鳳皇何止吾聞古之有君子行藏以時進退求已榮必為天下榮耻必為天下耻苟進不如此

白蓮集卷第十

退不如此何必用虛偽之文章取榮名而自美

善哉行

大鵠刷翮謝溟渤青雲萬層高突出下視秋濤空渺瀰奮處魚
龍皆細物人生在世何容易眼濁心昏信生死願除嗜慾待身
輕携手同尋列仙事

日日曲

日日日東上日日日西沒任是神仙容也須成朽骨浮雲滅復
生芳草死還出不知千古萬古人葵向青山為底物

畊叟

春風吹蓑衣暮雨滴箬笠夫婦耕共勞兒孫飢對泣田園高且
瘦賦稅重複急官倉鼠雀群只待新租入

苦熱行

離宮劃開赤帝怒喝起六龍奔日馭下土熬若煎煮蒼生惶
惶無處處火雲崢嶸焚沃壤東皋老農腸欲焦何當一雨蘇我
苗為君擊壤歌帝堯

苦寒行

冰峯撐空寒蠹云凝水凍埋海陸殺物之性傷人之慾既不
能斷疾藜荆棘之根株又不能展鳳皇麒麟之拳跼如此則何
如為和煦為膏為雨自然天下之榮枯融于萬戶

春風曲

春風有何情旦暮來林園不問飛李王吹落紅無言

城中懷山友

春城來往苑李春煖艷紅香斷消息吾徒自有山中隣白晝冥
心坐嵐岬

讀李賀歌集

赤水無精華荆山之枯槁云珠与虹玉璨李賀抱清晨醉起
臨春臺吳綾蜀錦胸襟開狂多兩手掀蓬萊珊瑚掇盡空土堆

風琴引

按吳絲雕楚竹高託天風拂為曲一一宮商在素空鷲鳴鳳語
翹梧桐夜深天暮松風多孤寤寒夢驚沈波愁魂倚枕不肯去
翻親住雲隣湘娥金風聲盡薰風發冷泛虛堂韻難歇常恐聽
多耳漸煩清音不絕知音絕

夏雲曲

紅嵯峨燥晚波垂龍慵卧旱鬼多噓萬里壓天斬颺雷電光
空閃、好雨不雨風不風徒倚穹蒼作巖險男巫女覲更走魂
焚香祝天、不聞天若聞必能使雨為潤澤洗埃氛而又爰之
成五色捧日輪將以表唐堯虞舜之明君

讀李白集

竭雲濤剗巨鰲搜括造化空牢、冥心入海、神怖驪龍不敢
為珠主人間物象不供取飽飲遊神向空圃鏘金鏗玉千餘篇
膾炙嚼人口傳須知一、丈夫氣不是綺羅兒女言

祈真壇

玉甃瑤壇二三级學仙弟子參差入霓旌隊仗下不下松檜森
森天露濕殿前寒氣束香雲朝祈暮禱云元君茫、俗骨醉更
白蓮集卷第十

昏樓臺十二遙崑崙崑崙縱廣一萬二千里中有五色雲霞五色水何當斷慾便飛去不要九轉神丹換精髓

黃雀行

雙、野田雀上下同飲啄暖去栖蓬蒿寒歸倚籬落殷勤避網羅乍可遇鷓鴣鷓鴣雖不仁分明在寒廓

石竹花

石竹花開照庭石紅鮮自稟離宮色一枝兩枝初笑風猩、血
發低、叢常嗟世眼無真鑒却被丹青苦相陷誰為根尋造化
功為君吐出淳元膽白日當午方盛開彤霞灼、臨池臺繡香
濃艷如未已粉蝶遊蜂狂欲死

寄南岳白蓮道士能于長嘯

猿猱休啼月皎、蟋蟀不吟山悄、大耳仙人滿頰鬚醉倚長
松一聲嘯

古劍歌

古人手中鑄神物百鍊百淬始提出今人不要強研磨蓮鐔星
文未曾沒一彈一撫聞錚、老龍影奪秋燈明何時得遇英雄
主用甬平治天下去

湘妃廟

湘煙濛、湘水急汀露凝紅衰蓮溼蒼梧雲疊九疑深二女魂
飛江上立相携泣鳳蓋龍輿追不及廟荒松朽啼飛狂笋邊迸
出階基傾黃昏一岸陰風起新月如眉生澗水

巫山高

白蓮集卷第十

巫山高巫女妖雨為暮兮雲為朝朝楚王憔悴魂欲銷秋猿嗥
日將夕紅霞紫烟凝老峯千岩万壑花皆拆但恐芳菲無正色
不知今古行人行幾人經此無秋情雲深窟遠不可覓十二峰
頭揀天暮

贈持法華經僧

衆人有口不說是即說非吾師有口何所為蓮經七軸六万九
千字日、夜、終復始尔吟尔諷何悠揚風篁古松含秋霜但
恐天龍夜叉乾闥衆囹塞虚空耳皆聳我聞念經功德緣舌根
可等金剛堅他時劫火燃後神光璨、如紅蓮受持身心首精
潔尚能使煩惱大海水枯竭魔王輪幢自摧折何况更如理行
如理說

剗腸龜

甬既能於靈應久存其生甬既能於瑞胡得迷其死剗腸徒自
屠曳尾復何累可憐濮水沉一葉泛莊子

贈岩居僧

石如騏驎岩作室秋苔湯壇淨於漆袈裟蓋頭心在無黃猿白
猿啼日、

觀李瓊處士畫海濤

巨鼇轉側長鱗翻狂濤顛浪高湯、李瓊奪得造化本都盧縮
在秋毫端一揮一畫皆筋骨澗瀆崩騰大鯨臬瓦仙槎擺下欲
沉下頭應是驪龍窟昔年曾要涉蓬瀛唯聞撼動珊瑚聲今來
正歎陸沈久見君此画思前程千尋万派功難測海門山小濤
白蓮集卷第十

頭白令人錯認錢
唐城羅刹石底奔雷霆

昇天行

身不沉骨不重
驅青鸞駕白鳳
幢蓋飄搖入冷空
天風瑟瑟星
河動
瑤闕參差阿母家
樓臺虛閉
靚彤霞
五三仙子乘龍車
堂前碾爛
璠瑰花
迴頭却顧蓬萊頂
一點濃嵐在汲井

還人卷

李白李賀遺機杼
散在人間不知處
聞君收在芙蓉江
日鬪蛟人織秋浦金梭
劄、文離、吳姬越女
差上機
鴛鴦浴烟
鸞鳳飛澄江
曉暎餘霞輝
仙人手持玉刀尺寸、酬君珠与
鍊裁作霞裳
何處投紫皇殿裏
深難覓

輕薄行

玉鞭金鐙驕驕蹄
橫眉吐氣如虹霓
五陵春暖芳州齊
笙歌到處花成泥
日沈月上且鬪雞
醉來莫問天高低
伯陽道德何唾
噴仲尼礼樂徒卑栖

浮雲行

大野有賢人大朝有聖君
如何被浮雲掩蔽
白日輪安得東南
風吹散八表外使之天下人
共見堯眉采

煌、京洛行

聖君垂衣裳蕩、若朝旭
大觀無遺物
四夷來率服
清晨迴北極
紫氣蓋黃屋
雋闕聳凌鰲
九門如川濬
梯山航海至
晝夜車相續
我恐紅塵深
爰為黃河曲

吊汨羅

落日倚欄干徘徊汨羅曲冤魂如可吊煙浪聲似哭我欲考龜
鼉之心烹魚龍之腹甬既啖大夫之血食大夫之肉千載之後
猶斯藏伏將謂唐堯之尊還如荒醉之君更有逐臣於焉英魂
得以繼其噬恣其吞

贈念法華經僧

念念念兮入惡易念念念兮入善維念經念佛能一般愛河無
處生波瀾言公少年真法器白晝不出夜不睡心緣經口緣
字一室寥々燈照地沉檀卷軸寶函盛蘄蔔香薰水精記空山
木落古寺閑松枝鶴眠霜霰乾牙根舌根冰滴寒珊瑚槌打紅
琅玕但恐蓮花七朵一時拆朵似君心地白又怨天風吹天
花繽紛如雨飄袈裟況聞此經甚微妙百千諸佛真秘要靈山

說後始傳來聞者雖多持者少更堪誦入陀羅尼唐音梵音相
襍時舜絃和雅薰風吹文王武王絃更悲如此爭不遣空峒中
有龍來聽有鬼來聽亦使人間人聞者敬見者敬自然心虛空
性清淨此經真體即毘盧雪嶺白牛君識無

短歌寄鼓山長老

雪峯雪峯高且雄峩々堆積青冥中六月赤日燒不鎔飛禽瞥
過人難通常聞中有白象王五百象子皆威光行圍坐遶同一
色森々影動梅檀香於中一子豪雄猛稱尊獨踞鼓山頂百千
眷屬陰影身照曜吞秋景我聞岷國民皈依前王後王皆
師資寧同梁武遇達摩過後彈指空傷悲

漁父

夜釣洞庭月朝醉巴陵市却歸君山下魚龍窟邊睡生涯在何處白浪千万里曾笑楚臣迷蒼黃汨羅水

採蓮曲

越溪女越江邊齊菡萏雙婢娟嬉遊向何處採摘且同船浩唱發容与清波生漪漣時逢島嶼泊幾共鴛鴦眠襟袖既盈溢馨香亦相傳薄暮歸去來苧蘿生暮烟

啄木

啄木啄、鳴林響空貪心既緣利甯斯鑿有朽百尺微虫斯宅以啄去害啄更痛劇層崖豫章聳幹蒼、無繼甬啄摧我棟梁

靈松歌

靈松靈松是何根株盤躡枝幹与群木殊世眼爭知蒼翠容薛

蘿遮處深蒙龍先秋瑟、生谷風青陰倒卓寒潭中八月天威行蕭殺万木凋零向霜雪唯有此松高下枝一枝、在無摧折痴凍頑冰如鐵堅重、鎖到槎牙顛老鱗枯節相把投踉蹌立
在青崖前有時深洞興雷電飛電繞身光閃爍乍似蒼龍驚起時攬霧擎雲欲騰躍夜深山月照高枝踈影細落莓苔磯千年朽枿颯颯出一株寒韵鏘琉璃安得良工妙圖畫寫將偃蹇懸烟閣飛瀑聲中戰歲寒紅霞影裏擊蕭索

蠹

蠹不自蠹而蠹于木蠹極木心以豐甬腹偶或成之胡為勗人而不真由甬乳神蠹兮蠹兮可全其生無託甬形霜松雪檉

行路難

行路難君好看驚波不在黠黠間小人心裏藏崩湍七盞九折
寒嶒崢嶸車倒蓋猶堪出未似是非唇舌危閣中潛毀平人骨
君不見楚靈均千古沉冤湘水濱又不見李太白一朝却作江
南客

謝徽上人見惠二龍障子以短歌酬之

我見蘇州崑山金城中金城柱上有二龍老僧相傳道是僧繇
手常尋入海共龍鬪又聞蜀國王局觀有孫遇跡盤屈身長八
十尺遊人爭看不敢近頭觀寒泉万丈峽近有五羊徽上人閑
工小筆得意新畫龍不誇頭角及鬚鱗只求肋骨與精神徽上
人真藝者惠我雙龍不言價等閑不敢將懸掛恐似葉公好假
龍及見真龍却驚怕

絕句四十一首

送人往長沙

荆門歸路指湖南千里風帆興可諧好聽鷓鴣啼雨處小蘭舟
晚泊春潭

偶題

時事懶言多忌諱野吟無主苦縱橫君看三百篇章首何處分
明著姓名

寄山中叟

清泉綠樹夏風涼紫蕨紅稗午爨香應笑晨持一盃苦腥羶市
裡叫家常

贈琴客

曾携五老峯前過，幾向隻松石上彈。此境此聲誰更愛，掀天羯鼓滿長安。

勉吟僧

千途萬轍亂真源，白晝勞形夜斲魂。忍著袈裟把名紙，學他低折五侯門。

送人歸華下

蓮花峰翠涇凝秋，蒼業園林在下頭。好束詩書且歸去，而今不愛事風流。

中作二首

三面僧隣一面牆，更無風露可吹涼。他年捨此歸何處，青壁紅霞裏石房。

竹低莎淺雨濛濛，水檻幽窓九月中。有境牽懷人不會，東林門外翠橫空。

默坐

燈引飛蛾拂焰迷，露淋栖鶴壓枝低。冥心坐睡蒲團穩，夢到天台過剡溪。

水邊行

身着袈裟手杖藜，水邊行止不妨僧。禽栖日落猶孤立，隔浪秋山千万層。

寄鄭谷郎中

人間近遇風騷匠，鳥外曾逢心印師。除此二門無別妙，水邊松下獨尋思。

翡翠

水邊飛去青難辨竹裡歸來色一般磨吻鷹鷂莫相害白鷗鴻
鶴滿沙灘

與節供奉大德游京口寺留題

柳岸晴緣十里來水邊精舍絕塵埃煮茶嘗橘興何極直至殘
陽未欲迴

謝荆幕孫郎中見示樂府歌集二十八字

長吉才狂太白顛二公文陣勢橫前誰言後代無高手奪得秦
王鞭鬼鞭

謝陰符經

事逐鼎湖遺劍履時來渭水擲魚竿欲知賢聖存止道向自心

机反覆看

勉送藏休上人

一枝霜雪未霜頭爭遣藏休肯便休學盡世間難與事始堪隨
處任虛舟

幽齋偶作

幽院終容箇小庭踈篁低短不堪情春來猶賴隣僧樹時引流
鶯送好音

贈念法華經僧

萬境心隨一念平紅芙蓉拆愛河清持經功力能如是任駕白
牛安穩行

對菊

無艷無妖別有香
栽多不為待重陽
莫嫌醒眼相看過
却是真心愛澹黃

閉門

正是閉時爭合閉
大家閉處不須閉
還防朗月清風夜
有個詩人相訪來

勉送吳罔三五新戒歸

法王遺制付仁王
難得難持劫數長
努力只須堅守護
三千八萬是垣牆

夏日寄清溪道者

老病不能求藥餌
朝昏祇是但焚燒
不知誰為收灰骨
壘石栽松傍寺橋

送惠空北遊

君向峴山遊聖境
我將何以託多才
丁寧墮淚碑前過
寫取斯文寄我來

寄懷歸州馬判官

三年為倅興何長
歸計應多事少忙
又見秋風霜裏樹
滿山樹熟水雲鄉香

觀荷上露珠

霏微曉露成珠顆
宛轉田田未有風
任器方圓性終在
不妨翻覆落池中

苦熱懷玉泉寺寄仁上人

火雲如燒接蒼梧
原野煙連大澤枯
湯費葛衫葵扇力
爭禁泉

石潤肌膚

觀盆池白蓮

素萼金英歎露開倚風凝立獨徘徊應思漱灩秋池底更有歸
天伴侶來

折楊柳詞四首

鳳樓高映綠陰，凝重多含雨露深莫謂一枝柔軟力幾曾牽
破別離心

館娃宮畔響廊前依託吳王養翠烟去因山臺榭毀却隨紅
樹噪秋蟬

穠低似中陶潛酒軟極如傷宋玉風多謝將軍選營種翠中閑
卓戰旗紅

高僧愛惜遮江寺遊子傷殘露野橋爭似著行垂上苑暮桃紅
杏對搖

答長沙丁秀才書

月月便車奔帝闕年一貢士過金臺如何三度槐花落未見故
人携卷來

戒小師

不肯吟詩不聽經禪宗異岳懶遊行他年白首當人問有底言
談對後生

題舊拄杖

親採匡庐瀑布西新崖懸屨更安梯携行三十年吟伴未有詩
人

酬歐陽秀才卷

三十篇多十九章 聲風力撼疎篁不堪更有精搜處誰是瀟
瀟雨夜堂

聞雁

瀟湘浦暖全迷鶴羅紗川寒祇有鷗誰向孤舟憶兄弟坐看連
影度河橋

送高麗二僧南遊

日邊鄉井別年深中國靈蹤欲徧尋何處名山逢長老分明認
取祖師心

謝猿皮

貴向獵師家買得携來乞与坐禪僧不知搗月秋潭畔曾對何

人啼斷腸

酬光上人

禪言難後到詩言坐石心同立月魂應記前秋會吟處更五猶
在老松根

送僧歸日本

日東來向日西遊一鉢閑尋遍九州却憶雞林本師寺欲歸還
待海風秋

庚午歲十五夜對月

海澄空碧正團圓吟想空宗此夜寒玉兔有情應記得西邊不
見舊長安

白蓮集卷第十終

同

風騷旨格

目錄

六詩
詩有十體
詩有二十式
詩有六斷

詩有六義
詩有十勢
詩有四十門
詩有三格

廬岳僧齊已

陳氏直齋書解云唐僧齊己白蓮集十卷風騷旨格一卷今無得之為合璧矣元書北宋刻傳世既久湮滅首卷數字尚俟善本補完与皎然貫休三集並傳嘉靖八年歲己丑金閻後學柳僉謹誌

風騷旨格

廬岳僧齊己



六詩

一曰大雅 二曰小雅 三曰正風 四曰變風
五曰愛大雅 六曰愛小雅

大雅一

詩曰

一氣不言含有象萬靈何處謝無私

小雅二

詩曰

天流皓月色池散芰荷香

風騷旨格

正風三

詩曰

都來消帝力全不用兵防

受風四

詩曰

當道冷雲和不得滿郊芳草即成空

受大雅五

詩曰

蟬離楚樹鳴猶少葉到嵩山落更多

受小雅六

詩曰

寒禽沾古樹積雪占蒼苔

詩有六義

一曰風

詩曰

高齊日月方為道動合輒坤始是心

二曰賦

詩曰

風和日暖方開眼雨潤煙濃不舉頭

三曰比

詩曰

丹頂西施頰霜毛四皓鬚

風騷旨格

四曰興

詩曰

水諳彭澤潤水憶武陵溪

五曰雅

詩曰

捲簾白當書移榻對青山

又詩曰

遠道擊空鉢深山踏落花

六曰頌

詩曰

君恩到銅柱蠻款入交州

詩有十體

一曰高古

詩曰

千般貴在無過遠一片心閑不奈何

二曰清奇

詩曰

未曾將一字容易謁諸侯

三四遠近

詩曰

已知前古事更結後人看

四曰雙分

風騷旨格

詩曰

船中江上景晚泊早行時

五曰背非

詩曰

山河終決勝楚漢且橫行

六曰無虛

詩曰

山寺鐘樓月江城鼓角風

七曰是非

詩曰

須知項籍劍不及魯陽歌戈

八曰清潔

詩曰

大雪路亦宿深山水也齋

九曰覆粒

詩曰

疊嶽供秋望無雲到夕陽

十曰盧門

詩曰

捲簾黃葉落鏤印子規啼

詩有十勢

獅子返擲勢

風騷旨格

離情遍芳草無處不萋

猛虎踞林勢

詩曰

詩曰

窻前閑詠鴛鴦句
銜上時觀獬豸圖

丹鳳銜珠勢

詩曰

正思浮世事又到古城邊

毒龍顧尾勢

詩曰

可能有事開心後
得似無人識面時

孤鴈失羣勢

詩曰

洪河側掌勢

詩曰

遊人微動水高岸
更生風

龍鳳交吟勢

詩曰

崑玉已成廊廡器
潤松猶是薜蘿身

猛虎投澗勢

詩曰

仙掌月明孤影過
長門燈暗數聲來

風騷旨格

龍潛巨浸勢

詩曰

養猿寒嶂疊
驚鶴密林疎

鯨吞巨海勢

詩曰

袖中藏日月
掌上握乾坤

詩有二十式

一曰出入

詩曰

雨漲花爭出
雲空月半生

二曰高逸

詩曰

夜過秋竹寺
醉打老僧門

詩曰

三曰出塵

詩曰

逍遙非俗趣
楊柳謔春風

四曰迴避

詩曰

鳥正啼隋柳
人須入楚山

五曰並行

詩曰

終夜冥心坐
諸峰叫月猿

風騷旨格

六日艱難

詩曰

覓句如撰虎逢知似得仙

七日達時

詩曰

高松飄雨雪一室掩香燈

八日度量

詩曰

還有冥心者閑尋此境來

九日失時

詩曰

高秋初雨後夜半亂山中

十日靜興

詩曰

古屋無人到殘陽滿地時

十一日知時

詩曰

前村深雪裡昨夜一枝開

十二日暗會

詩曰

重城不鎖夢每夜自歸山

十三日直擬

風騷旨格

詩曰

禹力不到處河毅流向西

十四日返本

詩曰

又因風雨夜重到古松門

十五日功勳

詩曰

馬曾金鏃中身有寶刀痕

十六日拋擲

詩曰

琴書流二國風雨出秦關

十七日背非

詩曰

山河終決勝楚漢且橫行

十八日進退

詩曰

日午遊都市天寒住華山

十九日禮義

詩曰

送我盃中酒典君身上衣

二十日兀坐

詩曰

風騷旨格

自從青草出便不下塔行

詩有四十門

一曰皇道

詩曰

明堂坐天子月朔朝諸侯

二曰始終

詩曰

養雛成大鶴種子作高松

三曰悲喜

詩曰

兩行燈下泪一紙嶺南書

四曰隱顯

詩曰

道晦金雞伏時來木馬鳴

五曰惆悵

詩曰

此別又千里少年能幾時

六曰道情

詩曰

誰來看山寺自是掃松門

七曰得意

詩曰

此生還自喜餘事不相侵

八曰背時

詩曰

白髮無心鑷青山得意多

九曰正風

詩曰

一春能幾日無雨亦多風

十曰返顧

詩曰

遠意諸峯頂曾栖此性靈

十一曰乳道

苦雨漲秋濤狂風翻野燒

詩曰

十二曰抱直

詩曰

須知三尺劍只為不平人

十三曰世情

詩曰

要路爭先進閑門避處多

十四曰康救

詩曰

傷人皆默語當路好隄防

風騷旨格

十五日貞孝

詩曰

無家空托墓主祭不從人

十六日薄情

詩曰

君恩秋後薄日夕向人踈

十七日忠正

詩曰

敢將心為主豈懼語從人

十八日相成

詩曰

恠得登科晚須逢聖主知

十九日嘆嗟

詩曰

淚汎襟上血髮白鏡中絲

二十日俟時

詩曰

明主未巡狩白頭猶釣魚

二十一日清苦

詩曰

在處人投卷移居兩着衣

二十二日騷愁

已消難永夜況復聽秋林
詩曰

二十三曰睜忽

詩曰

欲起遊方興重來遠塔行

二十四曰想像

詩曰

溪霞流火色松日照爐光

二十五曰志氣

詩曰

未拋無遠路難作便歸人

二十六曰隻擬

詩曰

冥日冥心坐花開花落時

二十七曰向時

詩曰

黑壤生紅木黃猿領白兒

二十八曰傷心

詩曰

六國空流血孤祠掩落花

二十九曰監戒

詩曰

因思後庭曲懶上景陽樓

三十曰神仙

詩曰

一為嵩岳客幾喪洛陽人

三十一曰破除

詩曰

大都時到此不是世無情

三十二曰蹇蹇

詩曰

氣蒸垂柳重寒勒牡丹遲

三十三曰鬼恠

詩曰

山魅隔窻舞鵬鳥入簾飛

三十四曰乳道

詩曰

日落月未上鳥栖人獨行

三十五曰世情

詩曰

如何人少重都為帶寒開

三十六曰正風

詩曰

日落無行客天寒有去鴻

風騷旨格

三十七曰嗟嘆

詩曰

拭泪沾衿血梳頭滿面

三十八曰是非

詩曰

須知項籍劍不及魯陽戈

三十九曰理義

詩曰

送我杯中酒典君身上衣

四十曰清潔

詩曰

大雪路亦宿深山水也齋

詩有六斷

一曰合題

詩曰

可憐半夜婢娟月正對五侯殘酒卮

二曰背題

詩曰

尋常風雨夜應有鬼神看

三曰即事

詩曰

翻嫌易水上細碎動離魂

風騷旨格

四曰因起

詩曰

閑尋古廊盡記得列仙名

五曰不盡意

詩曰

此心只待相逢說時復登樓看遠山

六曰取時

詩曰

西風起邊雁一向瀟湘

詩有三格

一曰上格用意

詩曰

那堪懷遠道猶自上高樓

又詩

九江有浪船難濟三峽無猿客自愁

二曰中格用氣

詩曰

直饒人買去還向柳邊栽

又詩

四海魚龍精魄冷五山鸞鳳骨毛寒

三曰下格用事

詩曰

片石猶臨水無人把釣竿

又詩

一輪湘渚月千古獨醒人

風騷旨格終

西



